

嘉興府志卷七十六

嘉興府知府 伊湯安 重輯

藝文三

賦

元

佚名語溪賦

市曰義和古之禦兒州曰崇德今之語溪境接吳越道達

京畿居湖之東鎮浙之西澤通運漕陸走輪蹄昔子男邦

漢封懷終古文恬武熙今開州治元陞縣民繁而滋闡闡

星列樓觀雲齊運河一帶彩鷁交飛南北二橋橫跨虹霓

嘉興府志

卷七十六

藝文三

一

其地產也山川秀麗土壤膏肥桑綠宜蠶繭白宜絲夏麥

芄芃秋穀離離四時之果千乘之梨其風俗也魯泮文雅

義塾禮儀武城弦誦洙泗書詩衣冠萃止商賈駢斯農耕

而食女織而衣其人物也鍾靈產瑞毓秀孕奇福王忠定

世寄安危狀元沈晦文耀壁魁臺省八座椿桂五枝子明

曹監先哲成規蔡開潛庵理學後進著龜輔廣繡衣獻替朝廷

羽儀徐龜年蔡翰苑詔勅文章階梯陳瑄張清廉郡守道

德賓師橋梓聯芳棠棣交輝石門張氏子姪金紫雲仍門楣聲

名文物四海遠馳詠之於楮傳之無期

國朝

陳佑樵李人物賦

吳越之邦斗牛之宿睇天目以山明匯具區而水秀乃有  
樵李名城辟塞古堠跨澎湖於澤園抗疎峰乎胥阜會山  
川以信美越古今之儕偶地固奧區產亦才藪詎止淮海  
賦會稽之人物甫里載襄陽之耆舊未遑殫述試畧鋪揚  
建炎之際帝子之祥宋孝宗虹流華渚誕毓少陽此乃其偶  
不復再詳若夫炎精炳漢桂華靈長孝武之盛賡和柏梁  
忌嚴工詞賦助嚴舉賢良會稽翁子朱買臣後先翱翔嚴夫  
子與兩中大夫並揆藻以雕章匹鄒枚與臯朔傲文囿而  
頡頏南粵東甌之域朔方東越之疆駕樓船以薄伐並功

載乎旂常此則椎輪為大輅之始制而睢渙為績藻之前  
光也已迨三國六朝哲人杳矣僅野王顧野王之書臺止徐

熙之故里豈顧陸古籍乎古鹽而吳越或滄乎載紀至唐  
而瀛洲之選德明陸元朗肇起貂蟬奕葉以昌厥裔內相宣

公本仁祖義侍從平章垂於奏議過邑式甜瓜之巷游客  
訪寶花之宇俎豆猶馨風流未墜彼裴相休之清暉遜先

民之遺矩若乃邱為三畝顧况雙峰處仁徐岱復禮表里採  
風侍金鑾而作賦佐蓮幕以從公陸祥文辰之屬詞疇匹

殷堯藩之風采誰同於唐為盛亦未易逢越宋聚奎文浙  
宗洙泗行稟誠於安道聞人安道學博識乎令舉陳舜俞清叔衛

談經正叔衛考禮誦後樂之篇合櫟齋之著一門師友闡

明傳註化南謝宗韓柳之傳彥發婁開馬班之緒若晦沈

之抗直於言路宗厚朱張之殉節於海滋炳於青史又其

著已至有元碩儒萃於鴛渚東甬張之長西溪鮑之子澤

民潘宗考亭之傳竹林陳堯與鐵崖之侶歎何代之乏才

感斯人之在邈若乃高會規矩故國儀型金甌卜相玉鼎

調羹則有若邠府舊輔俞入贊槐廳文懿呂宅揆正色守

經文恪朱國歷事乎三朝正國本而泰階以平文昌樞府

畫省名卿則有若襄毅項折衝樽俎偃武銷兵越南州司

馬徐必運籌開濟丹陛再振乎履聲中臺之亞六卿之貳

嘉興府志 卷七十六 藝文三 三

則有若俞少宰山之清介畫圖寵賜朱司寇大之平反門

閭表異俱夙夜以匪懈矢靖共於爾位承明金馬著作之

廷則有若蘭暉宮諭屠應碧山學士黃洪金門吏隱先宮

具區司成馮夢卽未視草乎鑾坡雅若尙寶戚元博若回

卿李日譚公昌藻鑑垂粵與閩早蜚聲乎藝苑並咀華以

含英彤墀露奏白簡霜凝則有若滄江虹月柏府風清姚

身非臺諫抗疏櫻鱗則有若受杖之主政沈思為民之監

丞岳元媿柱石之遺直追折檻之朱雲運逢百六天步既

傾則有若太僕徐世殉城以激烈司寇徐石殉國以忠貞

烈更甚於常山忠不忝於廬陵識其大者尙論久矣寧俟

淵雲之麗賦已烈南董之良史試徵文而考獻慨前人其  
專美倘繼往以開來勗大賢其有歟

趙泐白龍宮賦

海浦之偏陳山之巔俯千盤之危石漱勺水之清泉曰是  
所謂龍湫者也爰有樵客出於松間余詢之曰是湫也何  
以龍名客其爲我言之客曰嘻子以龍之不於湫耶夫龍  
神物也或躍在淵或飛在天伏于一泓遊于百川蓋大小  
之齊形久矣又何疑乎與蝮蛇同觀若乃旱魃爲祟巫尪  
涕漣豐隆失御雨師告愆父老扶攜而祈望大夫禱祀而  
致虔起視湫中有物乎蜿蜒金光玉曜游戲無端白日爲

之退舍赤燦于以摧遷俄不知其所之行上薄于穹圓蓋  
虜寸方合而甘澍已漑乎千萬頃之田也于是邑士大夫  
請曰是不可不報賜乎天遂築宮山暎勒名顯濟豐碑如  
椽而肇始于崇寧之年至于今而彌宣嘻子以所聞止于  
是耶當山之椒有龍母塚在焉鉅石忽起而盤陀雲霧時  
覩其連絲湫之所見者卽其子也不知其所自來此蓋出  
于相傳繫神龍之變化而不可測也夫又安見其不然余  
聞其說曠曠乎若遊六合之表而與神者往還也久之乃  
與樵客徜徉乎山之隩瀏覽乎勝槩之全象勾陳之翼衛  
兮知遙應乎星躔俯羣峰之環列兮不足當夫一卷面稽

天之巨浸兮駭潮汐之奔騫望三山其可接兮以彷彿夫  
羣仙雲山萬壘而若可辨兮羨鷗鳥之飛旋欲凌颺而直  
上兮庶幾與浮邱洪厓把袂而拍肩時惟春暮風和日暄  
翠禽集于沙渚芳草繡于陌阡都人羅拜士女闐駢金鞍  
馳驟而屢卻香車躑躅而不前已來恨晚欲去流連莫不  
快山容之靚麗怡海色之澄鮮斯可謂極遊覽之樂而娛  
心意之便者乎樵客曰子知其樂而不知其所以樂也惟  
昔之日長鯨振鬣猛虎奮銛比屋播蕩負擔迤邐欲求一  
日之安而不可得矣今者

聖人在上有司皆賢蛟穴已掃海波不濺將軍罷樓船之號堡

嘉興府志

卷七十六

藝文三

五

塞無斥堠之煙猛獸絕蹟夜戶不拴塵市匱匝林木葱芊  
飢則折松而釁倦卽倚石而眠風雨以時取禾百千祝釐  
如織棟宇益堅斯遠近之至者但知茲山之樂而不知其  
有由先也今取其語著之于篇

詩

周

越王五年五月吳破樵李王入吳與羣臣臨水祖道軍陳

固陵作祝詞二章

皇天祐助前沈後揚禍爲德根憂爲福堂威人者滅服從  
者昌王離牽致其後無殃君臣生離感動上皇衆夫哀悲

莫不感傷臣請薄脯行酒三觴

大皇德壽無疆無極乾坤受靈神祇輔翼我王厚之祉祐在側德銷百殃利受其福去彼吳庭來歸越國

越王二十一年冬十月王伐吳國人各送其子弟于境上

三日徙軍檣李作離別相去辭

蹀躞摧長慝兮擢戟馭爰所離不降兮以泄我王氣蘇一軍飛降兮所向皆殂一士判死兮而當百夫道祐有德兮吳卒自屠雪我王宿恥兮威振八都軍伍難更兮勢如貔羆行行各努力兮於乎於乎

晉

嘉興府志

卷七十六

藝文三

六

佚名阿子歌三首

晉樂苑嘉興人養鴨見鴨兒既死因有此歌

阿子復阿子念汝好顏容風流世希有窈窕無人雙

春月故鴨噉獨雄顛倒落工知悅茲苑故來相尋博

野田草欲盡東流水又暴念我雙飛鳧饑渴常不飽

齊

陶宏景書海鹽陸逸沖十賚文後

賚爾十事準前史對揚嘉策循言求理無或驕惰以騫斯旨援筆申懷敢告處士

梁

簡文帝題海鹽合蕭特墓

威鳳五色朝陽千仞孫枝發響將離流韻瑾旣誕子恒迺  
瓊允銀鈎之巧重世邇雋况此臨池蟬輕露潤

唐

獨孤及觀海弔秦皇

北登渤海島迴望秦東門誰尸造化功鑿此天池源瀕洞  
吞百谷周流無四垠廓然混茫際望見天地根白日自中  
吐扶桑如可捫迢遙蓬萊峰想像金臺存秦帝昔至此登  
臨冀飛翻揚旌百神會望日羣山奔徐福竟何成羨門徒  
空言惟見石橋足千年潮水痕

邱爲湖中寄王侍御

嘉興府志

卷七十六

藝文三

七

日日湖水上好登湖上樓終年不向郭過午始梳頭嘗自  
愛杯酒得無相獻酬小童能膾鯉少妾事蓮舟每有南浦  
信仍期後月遊方春轉搖蕩孤興時淹畱驄馬真傲吏脩  
然無所求晨趨玉階下心許滄江流少別如昨日何言經  
數秋應知方外事獨往非悠悠

王維送邱爲下第歸江東

憐君不得意况復柳條春爲客黃金盡還家白髮新五湖  
三畝宅萬里一歸人知爾不能薦羞稱獻納臣

劉長卿送陸豐倉曹西上

長安此去欲何依先達誰當薦陸機日下鳳翔雙闕迴雪

中人去二陵稀舟從故里難移棹家在寒塘獨掩扉臨水  
自傷流落久贈君空有淚沾衣

錢起送陸贄擢第還蘇州

鄉路歸何早雲間喜擅名思親盧橘熟帶雨客帆輕夜火  
臨津驛晨鐘隔浦城華亭養仙羽計日再飛鳴

崔峒送邱二十二歸

春水與寒烟嘉禾路幾千孤猿鳴海嶠羣鴈起湖田曾見  
長洲苑嘗聞大雅篇却將封事去知爾得閒眠

南歸

老病力難任猶多鬢雪侵鱸魚消宦況鷗鳥識歸心急雨

嘉興府志

卷七十六

藝文三

八

江帆重殘更驛樹深鄉關殊可望漸漸入吳音

顧況歸山作

心事數莖白髮生涯一片青山空林有雪相待古道無人  
獨還

邱丹奉酬韋使君送歸山之作

側聞郡守至偶乘黃犢出不別桃源人一見經累日蟬鳴  
念秋稼蘭酌動離瑟臨水降麾幢野艇纔容膝參差碧山  
路日送江帆疾涉海得驪珠棲梧慙鳳質媿非鄭公里歸

掃蒙籠室

姚合送顧非熊下第歸越



失意尋歸路親知不復過家山向城遠日月在船多楚塞  
數逢鴈浙江長有波秋風別江老還聽鹿鳴歌

朱慶餘送顧非熊東歸

但取詩名遠寧論下第頻惜爲今日別共受幾年貧聽雨  
宿吳寺過江逢越人知從本府薦秋晚又辭親

許渾酬殷秀才堯藩

相知愧許詢寥落向溪濱竹馬兒猶小荊釵婦慣貧獨愁  
憂過日多病不如人莫怪青袍選長安隱舊春

再寄殷堯藩秀才

直道知難用經年向水濱宅從栽竹貴家爲買書貧就學

多新客登朝盡故人蓬萊自有路莫羨武陵春

羅隱秦望山僧舍

巉巖危岫倚滄洲聞說秦王亦此遊霸主捲衣纔二世老  
僧傳錫已千秋陰厓水瀨松根直蘚碧苔侵畫像愁各是  
病來俱未了莫將煩惱問湯休

宋

梅堯臣送羅拯知秀州

陸雲嘗誇千里萼便輕羊酪同埃塵君今得郡正千里已  
患無羊厭北珍乃知南北各所樂乘舟豈如乘馬惡水邊  
不見秦羅敷縱有西施肌肉薄使君事事未稱意綠水芙

蓉定何若

與海鹽李寺丞

吳帆千里去邑屋富魚鹽霜鶴亭皋唳風烏海客占滄溟  
朝日近紫翠晚山尖若過陸機宅寒蕪應不嫌

蘇舜欽送張統尉嘉禾

濯濯桂枝郎尉邑上樵李青衫未足榮蘭衣應自喜萊子衣荊

蘭之威聲入桂蒲吟思發山水美才仕云初合聞當日起

蔡襄崇德夜泊寄福建提刑章屯田

宿昔神都別于今浙水遭故情彌切到佳月事追邀太守  
才賢重清明土俗豪犀珠成戍削鉦鼓去啾嘈湖樹延天

嘉興府志

卷七十六

藝文三

十

闌船旗骨月高醉中春渺渺愁外夕陶陶新曲尋聲倚名  
花逐種褒吟亭披越岫夢枕攬胥濤論議刀矛快心懷鐵  
石牢淹畱趨海內分散念霜毛鱸膾紅隨箸瀧波綠滿篙  
試思南北路燈暗雨蕭騷

蘇軾次韻周開祖長官見寄周時令崇德

俯仰東西閱數州老于岐路豈伶優初聞父老推謝令旋  
見兒童迎細侯政拙年年祈水旱民勞處處避嘲謳河吞  
巨野那容塞盜人蒙山不易搜仕道回應慚孔孟扶顛未  
可責求由漸謀田舍猶懷祿未脫風濤且傍洲罔罔可憐  
眞喪狗時時相觸是虛舟竭來震澤都如夢只有苕溪可

倚樓齊釀酸甜如蜜水樂工零落似風鷗遠思顏柳并諸

謝近憶張

子陳令與老劉

野舉風定軒牕飛豹脚雨餘蘭檻

上蝸牛舊遊到處皆蒼蘚同甲惟君尙黑頭憶昔湖山共  
尋勝相逢杯酒兩忘憂醉看梅雪清香過夜棹風船駭汗  
流百首共成山上集三人俱作月中遊海南未起垂天翼  
澗底仍依徑寸床已許秋風歸過我預憂詩筆老難酬此  
生歲月行飄忽晚節功名亦繆悠犀首正緣無事飲馬驩  
應爲有魚畱從今便踏青州麴薄酒知君笑督郵

贈錢端公安道兼寄其弟惠山山人

時錢以臺官爲秀州監稅

鴛鴦湖邊月如水孤舟夜傍鴛鴦起平明繫纜石橋亭慚

愧冒寒錢御史結交最晚情獨厚論心無數今有幾寂寞  
抱關嘆蕭生耆老執戟哀揚子怪君顏采却秀發無乃遷  
謫反便美天公欲困無奈何世人共仰真疎矣毘陵高山  
錫爲骨陸子遺味泉水齒賢哉仲氏早拂衣占斷此山常  
洗耳山頭望湖光潑眼山下濯足波生指儻容逸少問金  
堂記與嵇康畱石髓

韓琦周沆著宰秀州嘉禾

庇身名色得嘉禾銅墨猶嗟滯後科前席未期宣室召聞  
絃還繼武城歌酒旗穿柳春堤迴魚艇藏花夕唱和對此  
不勞披縣譜且求新句解詩魔

沈括秀州秋日

草滿池塘霜送梅  
林疎野色近樓臺  
天圍故越侵雲盡  
潮上孤城帶月回  
客夢冷隨楓葉斷  
秋心低逐鴈聲來  
流年又喜經重九  
可意黃花是處開

李綱嘉禾道中遇夏子陽

京華契闊已再冬  
扁舟野岸欣相逢  
天寒水遠飛霜風  
談笑坐覺迴春容  
年踰七十兩頰紅  
真氣上泝泥丸宮  
剖符南海窺祝融  
欲求丹砂訪葛洪  
問汝執筆侍九重  
胡爲謫墮溪山中  
迂愚久合親耕農  
君恩未報徒忡忡  
飄零孤蹟隨斷蓬  
他日相憶看雲鴻

沈與求過嘉禾野塘

木末孤煙起夕炊  
茅檐直下釣魚磯  
蒼荒遠水連天碧  
一葉短篷何處歸

楊億寄劉秀州

驛置迢迢阻玉音  
鱸魚江海遂初心  
朱絃道直消浮謗  
春草才多動苦吟  
震澤析醒千樹橘  
華亭驚夢九皋禽  
邵樓晴日東西望  
幾處甘棠接翠陰

呂祖謙送邱宗卿博士出守嘉禾

以視民如傷爲韻  
案宗卿名密

橋李國西門道里去  
天咫訟庭人摩肩  
客館舟銜尾涼燠  
變須臾怵聽復歡視  
心平理自見周道本如砥

堂下萬休戚堂上一笑嘖是心苟不存對面越與秦豚魚  
尚可孚況此能言民君看津頭柳葉葉皆相親

奮髯疾抵几解衣徐探籬古來多快士氣吞兩輪朱簿書  
高没人迎筆風摧枯自許豈不豪歲晏終何如

折肱稱良醫識病由身傷開府事如麻豈盡昔所嘗平生  
老農語易置復難忘麥黃要經雪橘黃要經霜

游九言秀州道中二首

一春煙雨歇空濛高下川原杳靄中畢竟春光遮不得滿  
邨花柳自青紅

漠漠秋原禾黍空藤蘿古木梵王宮孤邨野水斜陽外無

嘉興府志

卷七十六

藝文三

十三

數歸鴉落晚風

范成大秀州門外泊舟

拍岸清波拍岸埃黑頭霜髻幾徘徊禾興門外官楊柳又  
見扁舟上堰來

楊萬里過崇德二首

北關落日送船行欲到嘉興天已明睡起一河冰片滿槌  
瓊搃玉夢中聲

水面光浮赤玉盤也應知我絳夫寒滿河圭璧無人要吹  
入詩翁凍筆端

劉伸倫過嘉興

惆悵嘉興路三年幾度經雲帆連夜發更鼓隔城聽落月  
低煙樹秋風冷露螢客懷容易感空醉不空醒  
魏塘道中

霜葉紅于染寒溪湛若澄幾聲歸鴈急數點暮山青深琤  
頻斟酒長塗小作程萬緣天已定得喪一毫輕

葉適秀州寄王道夫二首

袞袞紅塵五月留來時落木不勝秋只今春事濃如許萬  
里滄浪又一舟

潘君狂甚詩能古葉子文高世莫驚何處有田求二頃向  
來三月決歸耕

嘉興府志

卷七十六

藝文三

十四

葉紹翁過崇德

野塍泉自注斷岸柳空存雨霽雲開塔船過犬吠門柴籬  
斜著水草逕別通村翻羨田家樂盈盈酒瓦盆

趙潛夫澹浦

怪他蟹舍蠓房地不是吟情住亦難數尺短牆圍晝寂半  
鉤踈箔障春寒水生草滿蛙鳴合日薄花陰鶴夢安底處  
青山病司馬浩歌東望取琴彈

陸垓送奚宰二首

茂宰慈祥意三年只似初折腰寧爲米掣肘固難書機靜  
漚浮鳥刑踈網漏魚終然清議在袞字到公車

失學兒俱嬾師資點化開  
砭鍼瘳痼疾膏馥起枯蓼  
指授方知緒從遊奈溯洄  
武城門下士應許厠澹臺

周紫芝送黃文若歸嘉禾

烏帽猶衝九陌塵  
扁舟誰釣兩溪春  
久憑歸夢尋香國  
忽喜清樽對故人  
滿眼窮愁嗟我老  
此生交舊獨君真  
華亭一水無多地  
細作來書莫厭頻

將軍十載半鳴珂  
才武憐君中異科  
但把長吟作回雪  
不

妨瀕海看熬波

時黃授鹽監

方愁隻影身如寄  
便買扁舟意若

何一別應須五年事  
好詩從此爲誰哦

程秘送常世鄉歸嘉興

嘉興府志

卷七十六

藝文三

五

悔作塘山來山深交友絕  
相逢忽相得乍見乃乍別  
嗟此冰玉人寒梅疎帶雪  
胸次羅文奎筆底耀離纈  
朝家溫英雋結網仍高設  
行且收殊科勉哉嗣先烈  
一編忠義傳姦萌歎先折  
千載懦夫魂脆骨變奇節  
識此吳中奇復幸拜前哲  
何異魯國人一朝獲雙玦  
晴雲起芝田東風催啼鴉  
慈庭有近書明朝動歸轍  
新抽草可茵微露花堪折  
相思復相思後夜天邊月

朱南杰曉發嘉禾

曉發嘉興路人家門未開  
聞關船側過水漲堰平堆  
濃綠暗官柳肥紅綻野梅  
城中簫鼓發知是使君回

出嘉禾

舟出嘉禾五里城，僧樓山塔互崢嶸。  
酒旗密比隨風舞，漁網橫拖漾日晴。  
盡舫貴人帆去穩，單衣遊女著來輕。  
山歌已接長河堰，到得臨平月又明。

趙善應寧師西閣

飄泊南來幾歲寒，追譚往事謾心酸。  
雲煙莫隔中原望，歸折梅花忍淚看。

趙汝愚題竹贈衛清叔之潭州

颺颺忽見青鸞尾，掃遍翠崖岡上頭。  
昨夜月明仙子過，玉笙吹徹萬山秋。

嘉興府志

卷七十六

藝文三

六

黃幹謝葉宰四首

有序錄二

効官語溪與金華鄭君聯事相好，葉明府鄭出予未及。  
識適有以予閱雨詩呈似者，不鄙而和之，輒以為謝。

誰推雙轂達天飛，短髮蕭疎早是遲。  
腸斷金錢門外月，曉

天秋露稻花時。

自注：余嘗侍東萊先生出金錢門觀稻花甚樂。

歲晚投身糟甕傍，旋除野服著公裳。  
折腰可愧更無米，贏得虛堂一味涼。

莫若冲初春趙仁甫宴邑官平綠見招

平綠題詩四十年，尋幽不厭水雲邊。  
一犁還又耕春後，三白曾來醉臘前。  
自笑挂冠林下客，獲陪揮麈坐中賢。  
絕嫌



幻色撩人思快靚晴川遠接天

吳龍翰嘉禾道中

越得東風便千錢買一舟嘉禾三日路陰木四山秋野色  
緘詩思鵲聲替客愁煙波渺無際是處可盟鷗

汪應辰送刪定聞人文歸嘉禾

漫作中都士柴門每日扃遺經究終始奇字講聲形前輩  
今無幾微言世莫聽扁舟轉河曲已見故山青

婁機題日哦軒

高軒多暇日燕寢獨怡神風俗隨今古雲山自主賓灘平  
分燕尾松老半龍鱗徒倚清陰下吟懷媿昔人

嘉興府志

卷七十六

藝文三

七

姜特立出使過嘉禾城外

江南清絕處此地數經過疎柳依秋浦歸船亂晚波王侯  
幾蟻穴天地一漁蓑安得元真子同編唱和歌

王廷珪和葛主簿寄朱希真

主簿四海士先生千載人羈遊厭旗鼓談笑出風塵高臥  
屢違旨榮名忽中身清詩何絕妙壘日識餘辛

陳必復舟行崇德

落日挂征帆西風客袂單燈明村店近船重水程寬蘆蓼  
作秋意汀洲生晚寒鐘聲煙外寺山色夢中看

周文璞攜李道中

吹徹鵝笙醉碧桃古城斜日泛輕舸此行憶著維舟處綠  
樹黃桑一樣高

何昌弼橫塘道中

卽半邏北  
橫塘開

一舸凌風去縈紆度幾村水清魚引子田美稻生孫山近  
塵埃遠秋晴枕席温悠悠迷處所疑是武陵源

方回聽航船歌四首

北來南去鴈還飛四十年間萬事非惟有航船歌不改夜  
深老淚欲沾衣

南到杭州北楚州三江八堰水通流牽板船篙爲飯碗不  
能辛苦把鋤頭

嘉興府志

卷七十六

藝文三

六

雇載錢輕載不輕阿郎拽牽阿奴撐五千斤蠟三千漆寧  
馨時年欲夜行

南姚村打北姚村鬼哭誰憐枉死魂爭似稍工畱口喫秀

州城外鴨餛飩

癸辛雜識作跳上岸頭須  
計取秀州門外鴨餛飩

林景熙五月五日寓嘉禾學宮願東浦載酒相過二博士

偕來飲就醉翌日畱詩爲別

嘉禾古三輔積水何蒼茫舊遊夢歷歷況此逢端陽東艾  
肖人形傾葵抱天常蕭蕭老逢掖得依夫子牆鴛湖無五  
月宿雨生微涼客從東浦來手持紫霞觴采蒲泛纖玉沃  
我書傳香殷勤兩博士雜出肴與漿書囊談未了一麟齋

彭殤酒醒忽不樂起看北斗芒歲月感疎髣風煙渺殊方  
明當理征棹斜日鱸魚鄉

文天祥次韻劉左司營繕事落成適潘秘丞得郡檇李併  
餞以詩

蓬壺日月四時春金碧新來絢帝宸俎豆幸陪麟省雋衣  
冠中有虎符新詩餘和氣生談麈坐久風光入醉茵多謝  
蘭臺舊盟主好歸羣玉領儒珍

元

趙孟頫秀州

秀州人家知幾多郎君兒女唱山歌白馬橋頭拾明月鴛

嘉興府志

卷七十六

藝文三

十九

鴛湖畔折天荷碧水朱樓爲誰惱短簫長笛奈儂何共歸  
田園對山色江南江北更巍巍

陳秀明送陸德中赴海鹽知州

陸侯有仙骨晚歲學長生服氣歸元海游神入太清渴惟  
餐玉露飢不飯青精酒後頻看劍愁來卽洗纓宦情聊復  
爾江海一麾輕

馬祖常送史正翁經歷之嘉興

京華春滿眼楚客傍船歸花送行衣舞鶯從上苑飛盤餐  
隨俸入桑苧接田肥鈴閣文書少還知小吏稀  
傳與礪送唐子華赴嘉興

聞君秋思滿南湖行李今晨發帝都幕府初乘從事馬江城還憶步兵鱸村浮白日山侵越湖蹴青天海入吳閒暇  
凭高動詩興須來一醉掃新圖

黃庚石門

羸馬東山路駸駸抵石門落花春雨夜流水暮煙村久客  
悲行役新愁攪夢魂勞生多感慨餘恨付乾坤

陳孚嘉興二首

簫鼓聲中十萬家垂楊淺映綠窻紗象梳兩兩蟬鬟女笑  
擁紅橋買藕花

燕子穿煙水荇開顧家猶有讀書臺平生雙耳松風裏又

向華亭聽鶴來

薩天錫石門懷舜咨夜坐

道人挂劍丹陽去欲入茅山恐未曾飛去難尋雲外鶴歸  
來獨禮斗前燈夢回洗鉢分秋水酒渴敲壺碎夜冰獨有  
江東未歸客西風詩骨瘦稜嶒

方瀾石門曉行

風高木葉脫從此曉寒新積雨初見日遠山如故人煙邨  
一葦渡野寺數家鄰獨念行藏異沙鷗未我馴

楊載送邱子正赴海鹽教授

珠生滄海底玉韞碧山中夜氣交明月陽精現白虹荀賢

兼重價當代振英風好學由天性能書至國工知名傳冀  
北作賦擬河東始欲徵楊子旋聞薦褚公陰符難獨美遺  
一教實爭雄絕藝雖宜進奇才自不同交遊傾上國掄選屬  
南宮鄧禹官初試匡衡對漫通海邦終寂寞學館尙穹崇  
已注千人錄當成五典功星辰皆在水渤澥信浮空把酒  
歡何限乘槎興不窮文章趨浩瀚物態入牢籠子必登芸  
閣吾方守桂叢索居彌寡陋荒業孰磨礱勿獲披雲霧惟  
思對華嵩知音期郭泰流俗易王充江海從茲逝飄飄任  
短蓬

周致堯登崇德州城有感

嘉興府志

卷七十六 藝文三

三

溪上孤城百雉餘城門猶自獲儲胥灞陵空宿將軍騎范  
叔應隨使者車雞犬蕭條兵過後漁樵散謾市休初老年  
觸事多成感悶向芭蕉葉上書

送崇德州夏同知

慷慨持征節雄談息戰塵有生皆帝力無地不王臣爲國  
丹心在論功白髮新他年忠義傳端合繼前人

邵亨貞橫泖

在平湖縣東  
又名谷泖

橫泖清晨望人煙樹幾重三江歸禹貢衆水會吳封雲倚  
孤邨塢潮生半夜鐘田翁談古蹟隔浦是青龍

廣廈人來少青山遠對門綬潮通曲港高樹接遙邨井記

袁松宅鄉連宰我墩行吟聊適興心迹未須論  
胡奎過崇德

一灣流水碧船到語兒溪官舍三通鼓人家半夜雞大星  
臨水動斜月傍城低擬作還家夢驚鳥莫浪啼

梁寅贈濮元戎

回首英雄卽是仙孤標直跨子房先毓精鉅野麟生處感  
歎華亭鶴杳年驚坐頗存遊俠氣忘機不似愛空禪遼陽  
被亂經三載亟起東山試逃鞭

黃玠畱石門待內弟子經不至

乘舟駕言邁長夜方漫漫滄涼物華老趑趄年景換顧予

嘉興府志

卷七十六

藝文三

三

遠適子庶與同館粲近行乃未來久別良足歎

飛鳥有遺音喞鳴念故鄉長風鍛羽翰迴薄空翱翔顧我  
日衰邁樂子年富強飄零豈不遠死生貴勿忘

方行東歸謠贈貝仲瑀

天目青逾藍上有危峯橫空插漢高巉巖滄海莫測下  
有六鰲迭負蓬壺方丈於其側山峻極兮水波瀾千盤萬  
折行路難愁看混沌開鑿處尚有斧跡畱人間及山仙翁  
髮如雪胸蟠太和吐日月手中鍊石輕女媧五色曾將補  
天裂憶聞羽客從之遊青霞光亂雲錦裘金鷄叫海白日  
慘桂樹四落空山愁昔年寒月照樽俎明珠百斛輕于土

君山鐵笛悲向人羞殺堂前柳枝舞君歸東吳懷故廬明  
星古宅非吾居會稽泱泱淞江險誰掬千載太史禹穴之  
遺書興因東歸發遂作東歸謠他年相憶五情熱應知淚  
濕雙龍綃

倪瓚元初真士居嘉禾紫虛觀好與吳仲圭隱君遊今年

十月出示畫幀命僕賦詩因次隱君韻題於上

紫虛觀在海鹽

治西南

鴛湖在嘉禾湖水春浩穰家住梅花邨夢繞白雲香弄翰  
自清逸題詩更悠長緬懷圖中人看雲杖梳榔

釋克新初至橋李

嘉興府志

卷七十六

藝文三

三

通越門中逢故人爽溪橋上送餘春燕飛官巷桃花老鶯  
嚙江亭楊柳新行李風塵千里道緼袍天地百年身未聞  
淮海休兵甲回首關山一損神

馬臻送范起之赴海鹽州判分得一字

喬木留高陰多君富儒術分符佐海郡不減江左逸睠茲  
鄉黨彥餞祖賓筵秩此邦足魚鹽利自氓庶出願言問荆  
察惠化均所恤萬物適生意茲理在得一維時青春深鳥  
語桑間日懷君鬱素抱返軫守蓬華倘寄雲中書飛鴻及

秋律

寄澈川楊如山

吾聞沙邱之馬黃驪牝牡世莫知九方臯去不復有天風  
吹我滄海邊忽地相逢釣鼇手論文托契輸心胸傾倒金  
尊斟綠酒登高望遠古意多百年之樂能幾何男兒屑屑  
志不展秋霜滿鬢空蹉跎酒酣眼極情未畢笑指青山歌  
落日却憐徐福向蓬萊蒼蒼煙浪無消息明朝挂席我歸  
來西湖十月梅花開梅花開動詩思思君不待春鴈回因  
之一寄平安字

明

貝瓊橋李郭宗夏兄弟五人友愛尤篤後值兵變東西散  
處宗夏思之爲作五鴈圖賦詩一首

嘉興府志

卷七十六

藝文三

三

五鴈何翩翩飲啄同清池失路在中道飢寒不相知昔爲  
八龍聚今作四鳥離驚騰廣漠至十月百草衰天高羽翮  
短苦受胡鷹欺上林豈不廣念汝歸何時管蔡興流言坐  
使君臣疑京城死太叔寤生手刃之淮南歌尺布千歲有  
餘悲東阿苦不容七步詠燃萁骨肉成虎狼所爭毫與釐  
我觀五鴈圖爲繼鶴鶴詩

送黃仲篋上官橋李

嚴霜戒秋杪百草俱已衰子別何匆匆一尊聊共持今晨  
白門道後夜滄海湄長歌獨慷慨健步何逶迤古來聲利  
場日出紛奔馳進非才不任退亦分所宜吹竽我豈濫售



璞人皆啞峻節當自厲坦途方在茲從容有新語千里慰  
相思

嘉禾道中

秀州城下雪漫漫旅客蕭蕭行路難鷹渡空江孤月冷馬  
嘶長路曉風酸吳趨欲賦知誰和漢節忘歸幾自看俯仰  
乾坤正寥落雲間身寄一枝安

歸石門

不待秋風起匆匆歸石門宦遊情已薄婚嫁願猶存竹所  
方開徑花時獨灌園比鄰共來往適意倒芳樽

江漢濮川月夜清遊歌

嘉興府志

卷七十六

藝文三

三五

有客來扣門邀我清夜遊夜長苦無寐夜遊慰淹留于時  
仲冬十五夜小星嚙嚙奎與婁乾坤上下絕塵滓團圓月  
色如中秋恰如銀盤出東海照我毛髮寒颼颼此時清興  
發與客相綢繆卽從西街入便至西河頭行行渡溪曲石  
梁跨清流魚鱗萬屋似城市市廛行盡皆田疇我行興已  
盡客指歸路休歸去語妻子此時是清幽不知百齡內夜  
夜得此不生平不作不平事遊時不覺心優游客如有期  
我不爽相攜再作明朝謀

高敬贈武塘沈徵士

清時猶在野獨臥見高情移艇聞煙唱開簾見雨耕江晴

雙鶴下樹晚一牛鳴回首徒相憶柴車不入城  
送唐博士肅移家構李

楊柳發初齊春陰廢院西故人乘醉別新鳥傍愁啼舟重  
全家去詩多一路題杏花開北閣誰復共招攜

送陳郎中出守醉李

出幙方爲郡行車動畫輪圖書歸省吏風俗問州人塘水  
龍鱗細城槐兔日新莫言花已盡君到自陽春

送范架閣赴嘉禾兼簡李使君

陸相祠前路孤舟欲上時空江難晚別荒郡易秋悲月送  
潮生早雲隨鴈去遲幙中知有子太守只題詩

嘉興府志

卷七十六

藝文三

三

送張文學之構李

回川帶綠樹窈窕有鳴禽江郭去非遠傷離空滿襟林中  
古殿靜池上高齋陰應想彈琴士杏花春雨深

徐賁曉發秀州

踏出雙湖煙樹東舟行長是雨兼風夢回重有離家恨惆  
悵春寒此夜中

卞榮嘉興畱別諸友

春波門外上春船春漲葡萄綠浸天共君細細酌篷底西  
望落日橫孤煙倚篷橫玉徹三弄飛花誰遣回風送須臾  
月出光滿湖杯光灑灑金波動美人相逢良不多美景豈

可成蹉跎爲歡未久又爲別空勞春夢落春波

張以寧嘉興有感陸宣公事

官家忘却奉天時歲晚忠州兩鬢絲今日北來車馬客夕陽祠下讀殘碑

張寧贈楊憲副築塘

吾聞浙江潮湧撼勢莫比迴流趨鹽官一射數百里海鹽當其衝適際南北趾何年作長防去郭數丈許壘石類懸崖壁立瞰其涘剗中竇外障高岸堙入水表裏湖海間相隔纔一指譬如潰瓜形皮好肉已毀潮來石奮角潮去石拔齒時平漸離缺風汎遽披靡工役歲無涯漂蕩日常耳

皇皇魚鼈民藐藐冠裳子剝牀不及膚解牛未得理豈無達務材遺我徒好語使君人中英萬物備一已咨詢度豁如顧盼心隱只發彼巉巖孤砌作盤屈峙軒然巨鼈側坦若長坡迤嶇漏互蔽虧力勢相併倚盈不與石闕縮不隨浪委肉厚骨不疏腹飽背復偻秦鞭竟空談漢緝無用此何期既倒瀾忽見急流砥但恐述者能不類創者美速成功易隳舉重力易弛安得百使君歷歲如大禹

徐禎卿嘉禾道中

橋李城何在蕭條艸樹存未溫吳苑酒已動越鄉魂問水來天日看桑過石門愁聞鶴鶻語寧聽楚山猿

徐中行橋李舟中贈張生

相逢秋色滿江湖攜手羅浮興不孤試問舍人春殿柳還  
如張緒少年無

海中樓閣盡仙家明月遙隨秋渚槎若道炎方無過鴈好  
從庾嶺寄梅花

吳國倫聞故人沈純甫復官志喜二首

微官不解事一語欲回天死決投荒地生餘謁帝年仙班  
誰舊侶優詔只名賢直道無今古賈生還席前  
去國關何事還朝此一時天心存骨鯁吾道起鴟夷瘴癘  
身差健冠裳夢亦疑向來梅福疏曾恨徙薪遲

嘉興府志

卷七十六 藝文三

三

途中得吳中望書有感祖墓在嘉興

闕下仙班夢未回白頭相望遠登臺馬經芒部山煙過鴈  
帶昆明瘴雨來萬里論心天咫尺百年懷土日徘徊離離  
高冢虹橋畔猶自延陵瑞氣開

嘉禾道中

津亭落日繫蘭橈橋李城臨海國遙百里魚鹽長水市萬  
家煙雨瑞虹橋青樓越女歌相屬白苧吳兒舞自嬌最是  
江南佳麗地可憐機杼日蕭條

鄭曉秋日海上

孤城海上若星棋聞說三遷事更悲百谷東南空地力九

秋潮汐自天時黃灣水落魚鰕亂白塔煙深草木遲磬鼓  
年來猶未息何人肉食抱長思

獨立滄溟歎禹功長隄隱現亂濤中鹽田何處蘆花雨茅  
屋誰家燕子風漂泊苔痕連水碧參差楓葉帶霜紅珊瑚  
樹底垂綸者豈盡天涯白髮翁

徐渭送鳴教赴嘉興館

念子將飛棹而我亦閉門開筵出海俎滿酌坐芳園客寓  
無三月論詩上萬言同心不在此秋夜起煩寃

盧楠登西城嘉禾樓重送張嘯山赴部

高樓西望縈空煙南風渺渺吹河船碧河細草遠相送一

嘉興府志

卷七十六

藝文三

三

夜飛過黎陽川驚魂如縷隨君還恨無雙翼凌青天魏闕  
霾陰雷隱怒霸水橫波不可渡此時揮手重堪悲千里相  
逢未有期燕臺倘值悲歌飲擊筑先尋高漸離

王世貞莫大參招飲天寧寺

東風依步屨愛此禪房幽一雨忽秋色諸天來暝愁烏隨  
托鉢下僧逐鳴鐘投尙有三車喻能同信宿留

寄鄭室甫

十年封事爽鳩多總爲憂時鬢早皤天地祇看容一柱風  
霜不遣夢三禾懸車坐領青山色扣角間爲白石歌共道  
履聲明主識璽書何日下煙蘿

劉鳳晚行石門鎮望西湖寄杭州太守

乘興遠遊無定期舟行常及暝鐘時河平兩岸月初上溪  
到石門帆自遲春來花鳥空晴日湖上風煙有夢思爲報  
使君多勝事酒深蘭棹更堪移

至嘉禾

霜滿馳歸鞅言過橋李亭石門猶挂月舊館有疏星已隱  
吳煙白還憐越甸青可能悲泛梗客歲幾沉冥

田汝成嘉興曉發別陳子常

江南春盡落花天桑柘籠煙水滿田野店酒香新雨後斷  
橋人渡夕陽邊羈懷瀟灑惟歌嘯世路崎嶇只醉眠傾蓋

嘉興府志

卷七十六

藝文三

三

逢君成坐久片帆乘月下吳川

孫承恩過嘉興

望望吳山水鄉音聽漸真天涯空歲月脚底幾風塵桑梓  
人情好鶯花客夢新男兒詎懷土堂上白頭親

高穀送倪廷用致仕還嘉興

青雲遺宦轍白首夢歸田舊著宮袍重新裁野服鮮草堂  
畱月色花徑隔塵緣陶令門前柳春來穩繫船

王守仁石門晚泊

風雨石門晚停舟問舊遊煙花春欲盡惆悵遠溪頭  
屠本峻次橋李

暮雨飛仍急飄飄橋李船重雲不歸海積水自浮天振舵  
鷓鴣溼聞香茵苔偏濁醪吾已醉隨分過澄川

薛應旂荅鄭嘉興

驛舍臨西水相逢鄭子真幽懷在空谷征旆尙風塵日暮  
憐漂泊途窮念苦辛文翁元愛士應不爲官貧

茅坤七月三日過樵李城移舟避暑南湖

雲漢火初流江城暑未收慚非蒼水使倦倚木蘭舟伐鼓  
沖鳧鴈凌波問斗牛夜闌芳杜曲露氣貯新秋

蔡經贈鄭次山守嘉禾

陌頭楊柳綠穉穉相送臨岐酒半酣獨贈一枝君識否欲

將春意到江南

潞河南下望江村草屋無人空閉門誰信三吳歌舞地邇  
來財賦及雞豚

春波門

旭日照高樹之子戒晨裝雙鶴癯且鳴孤琴發清商迢迢  
春波門祖送分道傍感嘆有垂泣顧之縈我腸食祿倏三  
載撫字慚無方羣囂未屏息歲歉飢以僵殷勤諭主德雇  
勉事發棠民心轉淳慙菜色甘稻梁茲將遠行邁解纜河  
之梁黃童與白叟惻惻牽衣裳提攜不可及眷戀徒徬徨  
戚元佐任長鄉按西江過余泛鴛湖觴之王氏園亭同宗

晉卿沈瑞伯作

蘿徑穿雲入松亭抱水斜吏人涼傍竹驄馬晝嘶花臺省  
曾分地文章是一家相過卽成別寧惜醉流霞

張佳允送余舜畊曹長歸嘉興

抱病誰憐楚執珪江東芳草正萋萋茂陵春樹浮城郭  
李青山急鼓鼙明月懷人滄海土落花高枕太湖西清時  
未許先招隱漢柱功名好再題

沈槩聞王伯安過嘉興驅舟特訪不遇

出門未梳頭旭日紅欲起遙持十年意漾漾扁舟裏停橈  
問北郭遲回復西市高人不可逢寒雲臥秋水

嘉興府志

卷七十六

藝文三

三

沈周題沈月溪卷

月爲大家物何獨此溪有干溪萬溪月同光無薄厚惟是  
溪上人雅與月相偶君于此溪外他月能識否逍遙見在  
鏡此月隨所取低頭弄清華白璧落我手尙呼酒酌之溪  
月我三友

項元淇重陽後嘉禾堂翫月

玉塵清談秋水涯竹林深憩夕陽斜蘭尊未盡歌前酒菊  
檻猶芳賞後花灌木涼多風屢拂虛堂夜靜月偏嘉不知  
坐久侵苔石已覺衣裳浥露華

乙卯春倭奴據海堧自八團七團以次侵入柘林曹涇等



地蓋自去年夏秋間去住自由了無阻扼當事者計無所出若置此地於度外正月稍稍南出二三月徑襲崇德城陷因剽剝德清練市烏鎮南潯震澤皆湖州地盤旋幾月四百餘艘捆載北自平望循嘉興東還官兵奔潰死者三千餘遂安然抵柘林舊巢矣至四月廿二日復南出自鹽官趨嘉興沿西河秋涇北去聲將指蘇也會永順保靖兵徵至遇於吳江東乘銳斬獲殆三千餘此未之有也師旋凱樂播之歌詠前是田州守岑孟妻瓦氏率兵勤王雖無成功亦勇矣義在得述

君王神武馭英雄五寨保靖三溪永順率服同敵愾本期終殄

絕太常已擬待元功

利刀八尺一鈎彎軍有鈎刀手名勁弩千鈞箭羽斑蕩寇疾如風

電掃歸師競執馘俘還

自昔倭奴畔海陬元戎獨數廣寧劉劉江洪武初平倭功封廣陵伯于今

郢楚多飛將當宁寧勞南顧憂

皮服猩猩血染腥兜鍪鳳翼赤龍鱗翻令婉孌爭雄武始

信鬚眉多婦人

沈奎和史大參登嘉善西城翫月

朝發西水濱夕登城上樓憑樓望行客落日明長洲天際征哀鴈雲邊急歸舟相攜得高侶呼尊成讌遊滄海放孤

月桂滿清光浮良晤豈前期嘉賓信難求露下忘嚴寒城  
隅行且謳慮淡勢自輕心交意終投此夕是何夕張筵爲  
誰留中夜忍分袂城戍傳更籌不寐憶清勝翻疑夢初收  
人生貴適意一遣遺百憂

胡應麟登橋李煙雨樓寄沈純父侍郎

夾岸春波漾綠蘋千家晴色照垂綸獨爲煙雨樓中客遙  
憶昆明殿裏臣九塞兵車閒仗鉞五陵冠蓋避埋輪應知  
滄海風塵下大有華陽擊筑人

屠隆喜馮開之予告歸

滄江豈是學垂綸龍性終於不可馴三殿晴雲傳賜詔五

湖煙月引歸人西灣水綠堪消夏南浦花紅好送春持節  
歸來還四壁蕭然惟有馬卿貧

申時行御史大夫沈純父邀泛南湖集真如寺

畫舸乘流錦席開招攜仍到給園來新投慧遠三生社舊  
識休文八詠才抗疏功名真脫屣逃人踪蹟且銜杯相從  
並是忘機者湖上羣鷗莫浪猜

祝允明秋晚嘉禾道中二首

晚發西南郭秋深雨氣偏人家低似岸湖水大於天日崦  
長如閣風檣不用牽辭燕還入越纔費半流年

湖尾橫波急船頭轉港頻幾家危傍水一木老存身黃菊

看如客青山坐送人空舟隨處泊不用擇行鄰  
王穉登夜泊嘉禾

此邦名橋李異代產嘉禾煮海嚴刁斗栽桑富綺羅魚燈  
歸市盡鴈塔出城多百里分吳越鄉心奈客何

湯顯祖秀州

雨溼松陵春滿煙杏花榆莢映新田不知何處唱歌好東  
柵平湖日夜船

孫巡司還嘉禾懷馮心易岳石帆

家近南湖煙雨邊漁歌那復羨臨川君看滿目高華客大  
向雲林作散仙

嘉興府志

卷七十六

藝文三

三

不爲蓴絲想越鄉斷帆秋老秣陵霜歸家得向錢郎醉分  
取吳江蟹半黃

王叔承入越觀湖同陳濟之諸子石門雨

孤帆下石門旅宿暗秋原兩岸蘆荻雨幾家桑柘村酒堪  
今夕醉心與古人論此去錢塘近江潮引客魂

章士雅大滂行二首

濃陰不可極五月氣如秋水闊搖殘樹沙傾出亂流村農  
無故業野老有新愁最是滄洲吏含嚔向白鷗

白浪全生戶青泥半掩扉溼薪燃鬼火嬌女泣牛衣萬井  
蛙聲合千畦苻菜肥流民應可繪莫道一官微

方太古嘉善夜泊

十月望之後畸人何所歸江清霜氣薄堂靜夜燈微木葉  
背風落孤禽向月飛援琴不成調新淚欲沾衣  
何喬遠答嘉興陳無功

野鶴羣中不受塵歸家屠釣得天真泉書兩牘

無功所著堪稱

史爾雅裨官有此人吳蜀名都皇甫序春秋繁露漢時臣  
江湖魏闕吾無與已掩扉欲甘春

都穆舟次石門

讀罷新篇如覲面石門知有幾番遊小軒暮坐清閒甚落  
日蟬聲碧樹頭

黃輝送章循之赴嘉善

東來翻出國門西雪路南筱望不迷仙吏故鄉長水近美  
人別恨遠山齊乍便越舫移萱背不隔吳歌過韭溪家世  
風流誰得似向來看劔氣成霓

李日華題由拳讀書圖

淞陵南指禦兒東小築濛濛煙雨中繞筓王餘千縷白堆  
盤郭索滿筐紅朱簾竹檻家家月青舫蒲帆浦浦風合眼  
不須思岱華一痕猶得見胥峰

樊維城覲還東鄉薦紳詩

二載徒荒飽千程入帝都人如春柳弱蹟似塞鴻孤注考

誠竝下無才亦不虞見君仍賜璽又得仰前模  
父兄夙所事承教尙如新梅柳皆生趣桑麻可得春年深  
吏事習宦久物情真勿以疏庸棄箴當朝夕頻  
海邦春已暮民事始相侵紅女修筐管漁人視罟罾插青  
旂密雨熬白苦多陰不識今時候容能愜衆心

吳山禾水道中

閩秀

春早猶寒草未齊落梅村墅鶉鳩啼虎林煙月勞清夢秀  
水雲山入品題竹岸人家門巷靜桑園風景夕陽低小橋  
漁艇閒來往何處桃源更有溪

嘉興府志卷七十六

嘉興府志

卷七十六

藝文三

三七

誠宐下無才亦不虞見君仍賜璽又得仰前模  
父兄夙所事承教尙如新梅柳皆生趣桑麻可得春年深  
吏事習宦久物情真勿以疏庸棄箴當朝夕頻  
海邦春已暮民事始相侵紅女修筐筥漁人視罟罾插青  
祈密雨熬白苦多陰不識今時候容能愜衆心

吳山禾水道中

閩秀

春早猶寒草未齊落梅村墅鶉鳩啼虎林煙月勞清夢秀  
水雲山入品題竹岸人家門巷靜桑園風景夕陽低小橋  
漁艇閒來往何處桃源更有溪

嘉興府志卷七十六

嘉興府志

卷七十六

藝文三

三

